



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-393-4/22**
Datum: **31.08.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica «BELIF» d.o.o. Tešanj, za izdavanje vodne dozvole za promet opasnih materija kao i proizvoda od tih materija koje nakon upotrebe dopijevaju u vodu i za ispuštanje onečišćenih oborinskih voda sa lokacije objekata za proizvodnju finalnih hemijskih proizvoda, izgrađenih na lokalitetu Poslovna zona Ciglana broj 14 u Jelahu, općina Tešanj, na osnovu člana 109. stav (1) tačka 2. i 13., člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «BELIF» d.o.o. Tešanj, daje se vodna dozvola za promet opasnih materija kao i proizvoda od tih materija koje nakon upotrebe dopijevaju u vodu i za ispuštanje onečišćenih oborinskih voda sa lokacije objekata za proizvodnju finalnih hemijskih proizvoda, izgrađenih na lokalitetu Poslovna zona Ciglana broj 14, na zemljištu označenom kao k.č. broj: 66/3 K.O. Jelah, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se proizvodni objekti i skladišta opasnih materija kao i proizvoda od tih materija koji nakon upotrebe dopijevaju u vode koriste u skladu sa njihovom namjenom, ovom dozvolom, okolinskom dozvolom i Odlukom o postupanju sa otpadnim vodama nastalim pri regeneraciji katijonskog i anionskog jonoizmjenjivača.
 - 2.2. Da se objekti čija je svrha odvođenje i prečišćavanje onečišćenih oborinskih voda (separator ulja i masti, slivnici i slivne rešetke, kanalizaciona mreža) redovno održavaju i koriste na način koji će obezbijediti njihovu potpunu ispravnost i funkcionalnost.
 - 2.3. Da se onečišćene oborinske vode sa saobraćajnih, radnih i manipulativnih površina, nesmetano sakupljaju i odvođe do objekta predviđenog za tretman onečišćenih oborinskih voda (separator ulja i masti), a zatim ovako tretirane vode ispuštaju u oborinsku kanalizaciju.
 - 2.4. Da se čišćenje i pražnjenje uređaja za tretman otpadnih voda, odnosno separatora ulja i masti povjeri isključivo firmi ovlaštenoj za tu vrstu djelatnosti, prema posebnom ugovoru.
 - 2.5. Da se redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.6. Korisnik objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.7. Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda,

- sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.8. Da se eventualno rasute sirovine, prikupljene zatvorenim sistemom odvodnje u namjenske posude, ponovo vraćaju u proizvodnju ili zbrinjavaju od strane ovlaštene firme na ekološko prihvatljiv način.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5(pet) godine od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Dana 03.08.2022. godine, pravno lice «BELIF» d.o.o. Tešanj podnijelo je zahtjev za izdavanje vodne dozvole za promet opasnih materija kao i proizvoda od tih materija koje nakon upotrebe dopijevaju u vodu i za ispuštanje onečišćenih oborinskih voda sa lokacije objekata za proizvodnju finalnih hemijskih proizvoda, izgrađenih na lokalitetu Poslovna zona Ciglanica broj 14 u Jelahu, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra, broj: 043-0-RegZ-22-000393 izdatog 16.02.2022. godine izdatog od strane Općinskog suda u Zenici;
- Kopija Uvjerenja o poreznoj registraciji izdatog od strane Porezne uprave-Kantonalni porezni ured Zenica od 08.05.2017. godine;
- Dokaz o uplaćenju upravnoj taksi;
- Kopija Rješenja o urbanističkoj saglasnosti, broj: 12-23-1175/02 izdatog 19.06.2002. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona;

- Kopija Rješenja o odobrenju za građenje, broj: 12-23-2375/02 izdatog 09.08.2002. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona;
- Kopija Rješenja o odobrenju za upotrebu objekta, broj: 12-23-2626/03 izdatog 24.07.2003. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona;
- Kopija Rješenja o okolinskoj dozvoli broj: 12-23-08620/19 izdatog 06.01.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona;
- Kopija Rješenja o vodnoj dozvoli broj: UP-I/25-3-40-292-5/17 izdatog 22.08.2017. godine od strane «Agencije za vodno područje rijeke Save» Sarajevo;
- Izvještaj o monitoringu kvaliteta i kvantiteta otpadnih voda pogona «BELIF» Tešanj, broj: 1084/22 urađen 27.07.2022. godine od strane «Inspect-RGH» d.o.o. Sarajevo;
- Izvedbeni projekat – vodovod i kanalizacija, urađen od strane ART STUDIO Tešanj.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog lokaliteta u Poslovnoj zoni Ciglana u Jelahu i tom prilikom sačinjen je zapisnik o uviđaju broj: UP-1/21-3-40-393-3/22 od 24.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Osnovna djelatnost «BELIF» d.o.o. Tešanj je proizvodnja finalnih hemijskih proizvoda svrstanih u grupe: autoprogram, hemijska sredstva za tretman bazenskih voda, sredstva za higijenu i specijalni fluidi.

Proizvodni kompleks izgrađen u Industrijskoj zoni Jelah čine sljedeći sadržaji: proizvodni pogon, hala za skladištenje ambalaže, sirovina i gotovih proizvoda, objekat za proizvodnju akumulatorske kiseline, tri nadzemna rezervoara za skladištenje monoetilenglikola, kotlovnica na čvrsto gorivo, laboratorija za kontrolu proizvoda, upravna zgrada te radno-manipulativne i saobraćajne površine. U toku tehnološkog procesa proizvodnje hemijskih proizvoda na bazi monoetilenglikola ova sirovina se iz nadzemnih spremnika zatvorenim sistemom prebacuje u mikseru gdje se prema tehnološkoj recepturi dodaju određeni aditivi. Izmiksani proizvod se puni u plastičnu ambalažu.

Za prikupljane eventualno rasutih sirovina i proizvoda, u podu proizvodne hale su ugrađeni slivnici koji prihvataju rasutu tečnost i cjevovodom odvođe dva namjenska PVC spremnika koji su instalirani u betonskom oknu pred objektom. Sakupljene sirovine se u potpunosti recikliraju – vraćaju u proizvodni proces.

Monoetilenglikol se doprema u namjenskoj cisterni i skladišti u tri nadzemna rezervoara zapremine 38 m³ i 2x100 m³, smještena u natkrivenom prostoru u betonsku tankvanu.

Snabdijevanje kompleksa vodom riješeno je priključkom na gradski vodovod, a sanitarno fekalne vode su priključene na gradsku kanalizaciju kojom upravlja JP RAD Tešanj.

Oborinske vode sa radno-manipulativnih i saobraćajnih površina, koje mogu biti onečišćene naftom i naftnim derivatima se, prije ispuštanja u oborinski kolektor industrijske zone Jelah, prečišćavaju na separatoru ulja i masti. Oborinski kolektor nije u nadležnosti JP RAD Tešanj.

Pri svakoj fazi regeneracije nastale otpadne vode ne ispuštaju se u kanalizaciju nego se prikupljaju u namjenske kontejnere i koriste kao repromaterijal, a sve u skladu sa Odlukom o postupku sa otpadnim vodama nastalim pri regeneraciji katijonskog i anionskog jonoizmjenjivača.

Redovno se vrši monitoring prečišćenih otpadnih voda prije ispusta u oborinski kolektor. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu očitovanja Službe za prikupljanje prihoda od vodnih naknada, konstatovano je da je podnosilac zahtjeva «BELIF» d.o.o. Tešanj redovno dostavlja propisane EBS obrasce i redovno izmiruje svoje obaveze po osnovu posebnih vodnih naknada.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim,

podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «BELIF» d.o.o. Gračanica ispunio minimum uslova za izdavanje vodne dozvole za aktivnost za promet opasnih materija kao i proizvoda od tih materija koje nakon upotrebe dopijevaju u vodu i za ispuštanje onečišćenih oborinskih voda u prirodni recipijent sa lokacije objekata za proizvodnju finalnih hemijskih proizvoda, izgrađenih na lokalitetu Poslovna zona Ciglanu U Jelahu, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-393-2/22 od 23.08.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.građ.

Dostaviti:

- «BELIF» d.o.o. Tešanj
Poslovna zona Ciglanu broj 14, 74264 Jelah
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava